



Број/Број: **01/2а-50-1-2-64/10**

Сарајево/Sarajevo: 21.4.2010.

ZAPISNIK

64. sjednice Komisije za vanjske poslove Predstavničkog doma Parlamentarne skupštine BiH, održane 21.4.2010.

Sjednica Komisije počela je u 9.30 sati. Prisustvovali su: Slavko Matić, Milica Marković, Husein Nanić, Azra Alajbegović i Lejla Klokić.

Sjednici nisu prisustvovali: Azra Hadžiahmetović, Milorad Živković, Denis Bećirović i Sefer Halilović.

Osim članova Komisije, sjednici su prisustvovali Edin Šehić iz Ministarstva vanjskih poslova BiH, Nikola Sladoje iz Ministarstva pravde BiH i Vera Letica iz Ministarstva finansija i trezora BiH.

Sjednicom je predsjedavao Slavko Matić. On je pozdravio sve prisutne i otvorio raspravu o dnevnom redu 64. sjednice Komisije.

Husein Nanić predložio je da se zbog kratkog vremena skinu 3. i 4. tačka dnevnog reda.

Slavko Matić kazao je da se Komisija samo treba izjasniti da li se slaže s inicijativom poslanika Momčila Novakovića da se tačka koju je predložio nađe na dnevnom redu sjednice Doma, bez ulaženja u sadržaj predložene tačke, te da stoga nema potrebe da se skine s dnevnog reda.

Nije bilo više prijedloga, pa je predsjedavajući Komisije Slavko Matić konstatirao da je za 64. sjednicu Komisije jednoglasno usvojen sljedeći

DNEVNI RED

1. Usvajanje Zapisnika 63. sjednice Komisije;
2. Davanje mišljenja o saglasnosti za ratificiranje:
 - a) Sporazuma između Bosne i Hercegovine i Republike Hrvatske o izmjenama Sporazuma o međusobnom izvršavanju sudskih odluka u krivičnim stvarima (resorno ministarstvo: Ministarstvo pravde BiH);
 - b) Sporazuma o finansiranju između Bosne i Hercegovine i Komisije Evropskih zajednica u vezi s multikorisničkim programom 2B, za projekte koji zahtijevaju Sporazum o financiranju u okviru Instrumenta za pretpristupnu pomoć u 2008. godini (resorno ministarstvo: Ministarstvo finansija i trezora BiH);

3. Davanje mišljenja o Inicijativi poslanika Momčila Novakovića za razmatranje na sjednici Doma tačke dnevnog reda: “Utvrđivanje smjernica za djelovanje privremenim delegacijama koje u ime Bosne i Hercegovine učestvuju na međunarodnim skupovima”;
4. Izvještaji i materijali pristigli Komisiji:
 - a) Izvještaj Doris Pack na AFET-u, Rezolucija o BiH s Prijedlogom rezolucije o Bosni i Hercegovini Evropskog parlamenta (materijal MVP-a BiH);
 - b) Liberalizacija viznog režima za BiH – informacija, (materijal MVP-a BiH);
5. Tekuća pitanja.

Ad. 1. Usvajanje Zapisnika 63. sjednice Komisije za vanjske poslove

Zapisnik 63. sjednice usvojen je jednoglasno, bez primjedbi.

Ad. 2. a) Davanje mišljenja o saglasnosti za ratificiranje Sporazuma između Bosne i Hercegovine i Republike Hrvatske o izmjenama Sporazuma o međusobnom izvršavanju sudskih odluka u krivičnim stvarima

Nikola Sladoje iz Ministarstva pravde BiH kazao je da ovaj sporazum znači da će se sudske odluke donesene u Bosni i Hercegovini moći izvršavati nad licima koja se nađu u Hrvatskoj. U slučajevima lica s dvojnim državljanstvom u ranijem Sporazumu stajalo je da je potrebna saglasnost lica da bi se moglo pristupiti izvršenju presude. Sada je ta saglasnost brisana i strani sud trebalo bi da prizna odluku našeg suda i da je izvrši. Isti sporazum potpisan je i sa Srbijom a bit će potpisan i sa Crnom Gorom i Makedonijom.

Slavko Matić kazao je da mu je drago, ne samo da se ova materija sporazumno regulira, nego da se počne i primjenjivati jer je to jedan od načina da se spriječi zloupotreba dvojnog državljanstva.

Azra Alajbegović kazala je da kao sudski vještak smatra da neke stvari kod struke koja provodi određene zakonske akte treba oslušivati i mijenjati, jer se, prilikom njihove primjene u praksi, nailazi na puno problema.

Nije bilo više pitanja i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 2. b) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u vezi s multikorisničkim programom 2B, za projekte koji zahtijevaju Sporazum o finansiranju u okviru Instrumenta za pretprijetnu pomoć u 2008. godini

Vera Letica iz Ministarstva finansija i trezora BiH kazala je da je ovo jedan u nizu IPA sporazuma. Radi se o finansijskom sporazumu za 2008. godinu, multikorisničkom programu koji pripremaju tijela Evropske komisije za korisnike, odnosno zemlje u regiji jugoistočne Evrope, zemlje potencijalne kandidatkinje za EU. Programi se pripremaju redovno za tri godine a finansijski sporazumi sklapaju se za pojedinačne godine. Vrijednost Sporazuma je 24.700.000 eura. Kroz ovaj multikorisnički program bit će finansirana četiri programa koja se tiču policijske saradnje u regiji, obrazovanja, tempus i iskorjenjivanje bolesti kod životinja.

Kako tijela Evropske komisije imaju glavnu riječ kod pripreme ovih programa, a imajući u vidu prioritete zajedničke potrebe zemalja u regiji u procesu tranzicije i pristupanja Evropskoj uniji, tako i provode ove programe na centraliziran način. Oni rade sve poslove: od primjene do javnih poziva, finansiranja, evaluacije i monitoringa.

Nije bilo rasprave i članovi Komisije jednoglasno su dali pozitivno mišljenje Predstavničkom domu u vezi s ratifikacijom ovog sporazuma.

Ad. 3. Davanje mišljenja o Inicijativi poslanika Momčila Novakovića za razmatranje na sjednici Doma tačke dnevnog reda: “Utvrdivanje smjernica za djelovanje privremenim delegacijama koje, u ime Bosne i Hercegovine, učestvuju na međunarodnim skupovima”

Predsjedavajući Slavko Matić kazao je da Komisija treba samo da se izjasni o tome da li ova inicijativa treba da se nađe na dnevnom redu sjednice Doma, a tek kasnije bi se razmatrao sam sadržaj inicijative i kako ih vidi Momčilo Novaković, te da on nema ništa protiv da se Inicijativa nađe na dnevnom redu.

Nije bilo rasprave i Komisija je jednoglasno podržala inicijativu Momčila Novakovića.

Ad. 4. Izvještaji i materijali pristigli Komisiji:

- a) **Izvještaj Doris Pack na AFET-u, Rezolucija o BiH s Prijedlogom rezolucije o Bosni i Hercegovini Evropskog parlamenta (materijal MVP-a BiH);**
- b) **Liberalizacija viznog režima za BiH – informacija (materijal MVP-a BiH).**

Husein Nanić kazao je da bi se o materijalu iz tačke b) imalo šta reći i predložio da se razmatranje te tačke ostavi za sljedeću sjednicu Komisije.

Komisija je jednoglasno prihvatila prijedlog Huseina Nanića.

Komisija je primila k znanju materijal pod tačkom a) ove tačke dnevnog reda.

Predsjedavajući Matić konstatirao je da nema tema pod tekućim pitanjima i zaključio sjednicu.

Sjednica je završena u 10 sati.

SEKRETAR KOMISIJE

Merdžana Iglica

PREDSJEDAVAJUĆI KOMISIJE

Slavko Matić

Dostavljeno:

- naslovu
- a/a